

Konstitusi Atjèh Meurdéhka

NARIT PEU-INTAT

Konstitusi Atjèh Meurdéhka njoë meusadja teuseusôn sibagoë meunumat keu bandum pihak njang gulam tugaih dan tanggông-djaweuëb peudjak buët sutji peubibeueh nanggroë dan bansa Atjèh nibak peundjadjahan aséng. Konstitusi njoë memakna tjit sibagoë saboh disiplin untôk pageuë tubôh organisasi supaja sabé djidjak ateuëh garéh sampé trôk bak tudjuan.

1. NAN

Nan organisasi nakeuh Atjèh Meurdéhka atawa geupeupaneuk deungon AM

2. TUDJUAN

Tudjuan nibak AM nakeuh:

- 2.1. Untôk peumeurdéhka Atjèh nibak sigala beuntôk peundjadjahan deungon tjara-tjara njang geupeubeuna uléh nilai-nilai njang na lam masjarakat Atjèh dan hukôm internasional.
- 2.2. Untôk peutrang bak masjarakat dônja bahwa peukara Atjèh nakeuh peukara hak peuteuntèë nasib-droë dan peukara hak dekolonisasi Hindia Beulanda njang gohлом djipeudjak lagèë meunurôt prinsip dan atôran-atôran PBB.
- 2.3. Untôk peugisa keulai dèëlat Neugara Atjèh, lagèë jôh gohлом Beulanda teuka.

3. KEU-ANGGÈËTAAAN

- 3.1. Ke-anggèëtaan teuhah keu soë mantong njang meuseutia deungon peurdjuangan AM seureuta ta'at keu asoë nibak konstitusi njoë.
- 3.2. Tiëp anggèëta njang meudaftar wadjéb geubajeuë pèng buleuën.
- 3.3. Anggèëta njang meulangga konstitusi dan meulanggéh deungon tudjuan AM, djeuët geupeu-non-aktif nibak ke-anggèëtaan uléh Presidium, ateuëh lapôran Perwakilan Neugara dan ateuëh peursetudjuan Madjeulih Ureuëng Tuha.
- 3.4. Ureuëng-ureuëng njang ka séb bukti na rôh poh bansa Atjèh diluwa hukôm atawa teulibat dalam buët-buët kriminal rajek handjeuët tateurimong sibagoë anggèëta.

4. ORGANISASI

Organisasi njoë teudong nibak Madjeulih Umum (MU); Madjeulih Ureuëng Tuha (MUT); Presidium; Perwakilan Nanggroë (PN); Birô-Birô (BB).

5. MADJEULIH UMUM

- 5.1. Rapat Madjeulih Umum, RMU, nakeuh badan peunutôh njang paléng lambông dalam AM.
- 5.2. Madjeulih Umum teudong nibak Perwakilan Nanggroë, Madjeulih Ureuëng Tuha, Perwakilan dari Atjèh, Perwakilan Presidium.
- 5.3. RMU akan geupiléh sidroë Keutuha untôk masa peuët thôn.
- 5.4. RMU teupeuduëk paléng kureuëng dua thôn sigo, bak teupat njang geupeuteuntèë uléh Presidium.
- 5.5. PN, MUT, Perwakilan dari Atjèh dan Presidium akan geukirém paléng kureuëng sidroë waki dalam RMU.
- 5.6. RMU akan geupiléh anggèëta2 njang duëk dalam Presidium.

- 5.7. Dalam RMU, Presidium akan bri lapôran2 peunténg, antara laén lapôran ekonomi organisasi, lapôran2 teuntang keumadjuan/keundala/keusulétan peurdjuangan.

6. MADJEULIH UREUËNG TUHA

- 6.1. MUT teudong nibak tokoh2 njang meudjasa dan mantong seutia keu peurdjuangan Atjèh Meurdéhka.
- 6.2. MUT akan geupiléh keudroë sidroë keutuha dan waki keutuha.
- 6.3. Tugaih dan keuwadjéban MUT nakeuh kawai/satoh, bri naséhat keu organisasi
- 6.4. Peugot usôi dan rekomendasi keu Presidium
- 6.5. Anggèëta MUT (hana bataih djumlah djih) geupiléh dalam Rapat Madjeulih Umum, RMU, ateuéh usôi/rekomendasi Presidium
- 6.6. PN na hak bak geu-usôi anggèëta teunamah MUT njang geupeuputôh uléh Presidium.
- 6.7. Anggèëta MUT njang mantong aktif/sanggôp, djeuët geupiléh/geudjôk tugaih dalam meubagoë bideuëng.
- 6.8. MUT djeuët geuhôi RMU meunjo na masalah2 dalam leumbaga organisasi njang han keumah peuseulusoë deungon Presidium atawa PN.

7. PERWAKILAN NANGGROË

- 7.1. Anggèëta AM di saboh2 nanggroë geupiléh sidroë ulèë.
- 7.2. Neugara rajek lagèë Amerika, Kanada, Australia dan Malaysia disinan le tinggai masjarakat Atjèh, djeuët geupeugot padum2 boh Perwakilan, lagèë Perwakilan Wilayah (PW).
- 7.3. Koordinator bak saboh2 neugara djeuët tjit geuduëk dalam Presidium dan Madjeulih Ureuëng Tuha.
- 7.4. PN djeuët geupeusapat Pèng Buleuën untôk peubiaja keugiatan organisasi.
- 7.5. Pèng Buleuën njang geupeusapat di tiép2 nanggroë, djeuët geungui 70% untôk peubiaja keugiatan2 bak teupat / Nanggroë maséng2.
- 7.6. Koordinator PN geupeugot rapat rutin untôk geu-atô keuridja organisasi.
- 7.7. Koordinator PN, dalam "beraksi" (Demo, manifestasi dls) harôih na konsultasi deungon keutuha Presidium atawa meulalui Keupala Sekretariat.
- 7.8. Presidium djeuët geupeurintah peuteubiët pèng "sigrâ" meunjo na hai2 njang meudadak.

8. PRESIDIUM

- 8.1. Presidium meurangkap sibagoë eksekutif dan legislatif njang meutanggông-djaweuëb punoh untôk peugot dan peudjak program organisasi.
- 8.2. Presidium teudong nibak Keutuha dan Waki Keutuha, deungon djumlah anggèëta 9 droë.
- 8.3. Keutuha, Waki Keutuha, Anggèëta Presidium geupiléh dalam Rapat Madjeulih Umum (RMU)
- 8.4. Masa tugaih Presidium nakeuh 4 thôn dan tugaih njoë djeuët geupeupanjang meunjo teupiléh lom, maksimal dua go.
- 8.5. Presidium meuduëk meunurôt djilakèë lé keuadaan atawa minimal dua go sithôn.
- 8.6. Presidium geupiléh sidroë Beundahara deungon dua droë peumbantu (revisor / ureuëng parékssa pèng).
- 8.7. Presidium geupeugot saboh Sekretariat dan geupiléh sidroë Keupala Sekretariat.
- 8.8. Presidium geubeuntôk padum2 boh départemen meunurôt peureulèë.

- 8.9.** Presidium geupeugot atôran² dan program keuridja keu badan² njang na dimijub keukuasaan/tanggông-djaweuëb droë-geuh sitjara musjawarah dan muwafakat.

9. SEKRETARIAT

- 9.1.** Sekretariat meutanggông-djaweuëb langsông ukeuë Presidium
9.2. Sekretariat meufungsi sibagoë seunambông lidah dan profil organisasi
9.3. Tugaih laén Sekretariat nakeuh urôih administrasi, rôh di dalam njan surat-meunjurat (koresponden), peutubiët peunjata dan djaga website.
9.4. Kepala Sekretariat akan geupiléh padum-padum droë staff Sekretariat 'ohlheueh geumeusjawarah deungon Presidium.

10. BEULANDJA

- 10.1.** Beulandja peurdjuangan geu-urôih uléh sidroë beundahara njang geupiléh uléh Presidium dan geubantu uléh dua droë peumbantu (auditor/ureuëng parékssa pèng).
10.2. Sumber beulandja organisasi: pèng buleuën nibak anggèëta, sumbangan nibak anggèëta dan pihak² laén dan ôsaha-ôsaha laén lom njang sah.
10.3. Djumeulah pèng buleuën geupeuteuntèë dalam RMU
10.4. Tugaih maséng² PN bak geupeusapat dana peurdjuangan dan geuseutôr 30% keu Beundahara Pusat
10.5. Pèng teubiët/tamong harôih geuteupeuë uléh paléng kureuëng dua droë ureuëng, dan Presidium musti na akses keu buku pèng padjan-padjan mantong.

11. AMANDEMEN / UBAH KONSTITUSI

- 11.1.** Ubah Undang-Undang djeuët geupeugot dalam RMU deungon 2/3 majoritas su nibak anggèëta njang teuka.
11.2. Ubah Undang-Undang ateuëh konstitusi harôih deungon tjara meutuléh.

12. PEMBUBARAN

- 12.1.** Pembubaran AM geupeuputôh dalam RMU deungon $\frac{3}{4}$ majoritas su nibak anggèëta njang teuka. Dan njoë teudjadi watèë Atjèh ka Meurdéhka.
12.2. Hareuta beunda atawa boinah nibak AM akan rhet keu Nanggroë.

13. PEUNUTÔP

Konstitusi njoë geuteurimong phôn that uléh RMU bak uroë buleuën 8 April 2012 dan geuparaf uléh Keutuha RMU.

geuparaf lé
Adnan Daud
Denmark, 8 April 2012